

新脩會昌縣志卷之十一

人物志目

賢達

文學

孝友

隱德

忠節

貞烈

會昌縣志

卷之十一

一

新脩會昌縣志卷之十一

人物志

山川之秀挺生英哲其芳徽懿範可法而可傳者政不乏也故出則爲邦國之珍處則繫東山之望自足彪炳乎史冊矣迺有名不挂于仕版而志期不苟行克著于倫常而操脩彌篤所稱潛德幽光不一爲之揚詡焉則正誼自持之士不至于廢然以沮者幾何也若夫巾幗之中志節較然不欺堪與烈日寒霜並其皎潔尤爲靈淑所鍾詎可令其同流螢之火若明若滅已乎蓋例得附青雲以並存于簡端爲將來勸豈小補哉作人物志

賢達

尹天民字先覺年十四作經講義清苦自勵邑人李潛竒之言于大守孔平仲私訪焉得講義數篇深加嘆賞貢入大學聞蔡京變亂祖宗成憲哭于齋後七晝夜京聞之

令其弟卞迎至東第延欸累月議論不合
悵然謝遣及登第初歷教授改國子博士
學者翕然稱尹夫子丞相張商英以國士
遇之商英罷天民出知果州有惠政秩滿
除宗子博士時王□相乃舊大學所隸齋
生也有強天民謁□者天民笑曰見王丞
相豈不得好官但恐爲地下顏閔所哂耳
靖康初改除侍講不就歸隱青城山清議
高之祀鄉賢

會昌縣志

卷之十一

三

唐稷字堯弼兕時穎異讀書五行俱下落筆
數千言其先是祖過雩都竒硯岡山水結
廬其中稷稍長常居之一意力學宋政和
二年登甲科授宜黃丞歷知監利縣瀕江
築堤捍水民享其利會廉訪使議增茶課
稷爭之力被劾去宣和間得湔雪授湖州
司士叅軍兼管左右獄平反多人秩蒲奉
毋歸硯岡建炎初隆祐太后幸贛召赴從
衛以定亂功調吉州軍判官未赴大守韓

昭問辟宰龍南坐通守去官稷訢于朝改
南外宗正司教官尋除樞密編脩力求補
外得荆湖南路安撫司王管機宜文字後
主管台州崇道觀卒年七十有六稷于書
無所不讀尤邃于易嘗詣行在獻十四策
再上萬言書皆切于時惜不能用平生著
述頗多門人彙次成五十二卷號硯岡集
廬陵胡忠簡公銓序其文復誌其墓祀鄉
賢

會昌縣志

卷之十一

四

劉滄崖宋寶祐乙卯鄉解登丙辰文天祥榜
官翰林學士公性嚴毅剛直時國步多艱
首以進君子退小人疏上理宗嘉納之及
賈似道專政公疾之欲謝去適以內艱歸
元代宋當國者以公爲前朝耆舊交薦于
朝旌車屢下公終弗起

喻良熙字善甫明永樂丁酉舉人初授雲南
鶴慶府教授俗尚椎魯生儒猶佩弓弩公
至力爲化誘陶鎔日久文氣漸開人知趨

向陞清遠知縣復判鶴慶府事士民向被其教化者無不欣然稱慶

文伯達字士元天資警敏于書無所不讀以明經歷仕南京工部郎中解綬歸里未嘗以富貴凌人捐資賑乏設義館以教育子弟人咸方之爲呂公著云

劉稷字宗周由歲貢授福建汀州府訓導分祿眷親禁民火葬陞曹州學正貧生餽遺峻却弗受歸隱林泉結社賦詩倡行家禮

會昌縣志

卷之十一

五

士論高之

蕭鶴齡字彭年少負竒氣清節自勵十歲能詩有家貧羞貸隣兒粟囊空惟貯古人書之句識者已覘其襟期瑰瑋以拔貢授廣西興業知縣屬多豪右每爲不法公甫下車鋤其尤者數人餘皆慴服易行以是爲當事引重調北流令陞鬱林州守尋以母憂歸卜室城南環植梅花每雪明花放觴咏其中香風披拂頽然自樂別號梅塢居

士著餐梅閣□文□卷二子瑞琇俱有時
名

謝嘉字立齋歲貢授直隸全椒知縣公性簡
朴不悅紛華少時強記過入諸書奧義靡
不通曉居官以剛介忤當道而歸優游庄
居詩酒自娛有晉栗里之風

劉瀾字一齋歲貢授湖廣平江知縣貌古言
莊博極羣書禋躬以孝友爲先居官以冰
蘖自持歸橐蕭然恬淡自喜有犯之者毫

會昌縣志

卷之十一

六

不爲校其雅量庶幾古醇儒風所著有大
極畱說小學補義蓮塘雜詠

喻尚中字一山德性冲和學問淵博由歲貢
授廣西太平推官以內憂去任尋補貴州
思州府陞雲南和曲知州再陞大理同知
敷歷數郡綽有政聲奉 詔進階朝議大
夫歸隱近二十年杜門著述有一山集耕
雲釣月閒譚

李應泰字岱松性敏慧少有智畧由禮部儒

士授直隸左軍衛經歷懋績洋溢尋陞四
川邛州判官以督採運功疊膺當道薦獎
將擢以不次乃力求歸養父贈君西池公
恂恂長者副使何公偉爲文誌其墓
蒙一端苦志篤學由明經授臨海簿居官廉
平多惠政以築防功當道屢加優獎及解
紐還民猶思慕之

歐舜雍字梅泉任如臯教諭性素剛介邑有
不僂於民者力爲抗論不阿致仕歸倡建

會昌縣志

卷之十一

七

步雲橋鬻產以竣厥功虔撫嘉其好義給
以旌匾邑侯冒夢齡卽如臯所拔士每過
存問咸北面禮之其見重於賢士大夫如
此

胡彝簡字近道師事羅念菴先生又樞衣雩
都何公廷仁黃公弘綱之門嘗曰克念作
聖惟此志耳羅以小友呼之以明經授嘉
善主簿清脩自勵勤於職業當事薦其廉
能遷長樂知縣均賦興學士民愛戴爲立

碑祠陞賓川州守解任不赴歸講學不倦
復刻鄉約以範俗邑大夫有所興除必就
問焉祀鄉賢

鍾沂號望峯與別駕明麓謝公相友善師事
郭青螺先生舉明經選入雍萬曆壬午南
闈擬魁以文稍溢幅置乙榜初任長樂適
繼事金池胡公之後其地產大茶葉性毒
能蠱人公知之令有贖者取大茶葉納其
值經兩載種□盡民感其德爲之歌曰胡

會昌縣志

卷之十一

八

親賢鍾疾惡湘江兩傑壽長樂夙習鄙野
成性衣冠不肅公徐爲變革之俗臻醇雅
再任咸寧賢聲嘖嘖其時貴宦怙勢多逋
賦不納公不畏強禦請於撫按爲限以徵
之乃亟趨恐後報最朝廷將擢以不次而
公竟解組歸其毅然恬退尤人所難
沈科素性朴直不事邊幅由歲貢授歸喜簿
陞錢塘丞所至以賢能稱秩滿推知縣告
致歸年九十猶能手製篆書邑令長每過

其廬扶筇出迎促膝談心間□以鷄黍□
去語不及私其高風誠足矜式云

謝國命字明麓秉志捐潔雅慕名流與郭公
青螺素相結納後以明經判杭州青螺監
察行部至杭遣人先授其意公正色謝使
者曰我知故人故人反不知我也由是青
螺愈加噐重蓋操行不苟有如此

李良佐字用齋與弟良相俱有文名由歲貢
爲歸善縣丞綽有惠政時多草竊勤心防

會昌縣志

卷之十一

九

禦報最陞知縣卒於任民□□之

謝元輔字玉鉉醇謹厚重由□□東筦丞
居官廉平多惠政秩滿陞經歷遂拂衣歸
家居杜門清風高節邑大夫雅慕之薦賓
席者九

歐子哲字滌元由歲貢任武昌通判陞定番
知州襟期曠逸人咸稱之爲風流別駕及
代漢陽武昌□篆會當校士公所首拔者
俱先後騰達余□□□入彀士也來令

會昌甚服其有知人之鑑生平著述頗多有捍湘紀八景題咏存稿

李益燦字奎聚自幼勤學博涉經史弟益煥性穎敏十歲能文邑令冒公夢齡以竒童目之隨爲學使者所首拔燦愈奮勵下帷攻苦文一矩矱先民由明經司訓彭澤崇禎己卯領鄉薦爲諸生時邑之知名士咸出其門凡勉子弟力學者必舉燦爲法

賴士聖字睿作邑庠生貢入太學授中書少

會昌縣志

卷之十一

十

治舉子業極其攻苦秉性謙和雖處素封未嘗以驕矜形于色族有婚喪貧不能舉者力爲周之順治戊子金王之變會城被兵危急士聖竭家貲賂帥以紓一邑之難帥悍而貪士聖度其勢終不得免遂自盡季子之羣方弱冠哀慟悲號欲以死殉家人慰解之旦夕泣伏柩前不忍離城潰遂遇害邑人士憫士聖之仗義以殞軀尤多其子至孝出於天性云

李爵佐號劬明少有俊聲由明經任楚雄令
楚雄苗素抗悍難馴公恩威並至苗皆捫
服時有冤獄久弗決得公平反全活甚衆
僉頌神君焉奏最擢兵部職方司轉員外
卽值逆闖之變公掛冠歸 皇清定鼎當
事稔知公才交薦不起邑大夫數賓禮之
卒年七十有一公弟爵佳以武畧授都司
從征閩汀克建竒功

文學

會昌縣志

卷之十一

十一

賴貞字洛川大學生工詩文嘗從羅念菴先
生講學白鹿洞三年不輟寄語家人曰敝
牀麤蓆俱成佳趣風晨雨夕無非妙境與
兄元捐貲建學宮及湘江書院胡君金池
贈以儷語云不惜千金勦盛舉僅遺一卷
續書香故其後寢昌肯忠厚之報云
文子悻邑庠生存心謹厚制行端慤攻苦舉
子業屢試弗偶遂絕意仕進日以詩酒自
娛年八十餘行誼如一轍

沈懋賞字百朋天性沉靜博極羣書經史左國皆手自評隲間出議論俱未經人道過邑之少俊能文者皆以不遊其門爲耻邑令胡公若宏遇以國士明崇禎乙亥詔拔於雍跡其所學猶未足恰其志

王士英字孩穎天資敏穎力學好古家貧不能購書悉從友人借閱至聲牙佶屈難於句讀者過目卽能成誦文尚高簡竒峭前後受知於學使者數數邑父母多敬慕之

兵人咸哀其不得善報云

會昌縣志

卷之十一

十二

劉萬禩字禹年爲諸生時試輒冠軍名燥一郡文甫脫藁人競傳之不脛而舛受徒講貫雖炎歊盛暑必衣冠嚴肅士之從游者皆循循雅飭不問而知其爲禹年弟子輿論服其清標焉子惺學醇行優有聲膠庠

葉聯芳字芳候天懷凝靜行誼醇謹少時讀書山菴屏絕交游爲文刀追先輩見知章

□力先生□□□□授□□□□□
厄春官□志以終

許世守字守先讀書制行動以古人自期爲
文剖抉入微時發宋儒所未及士之執經
問業者屢滿戶外性復狷介不苟取與洵
足楷模一世

葉開芳字蒞仙少時穎悟過人數從陳大士
先生游穠莫逆交攻苦寒窓終日手不釋
卷握筆爲文一字不屑猶人屢爲學使者

會昌縣志

卷之十一

十三

所賞拔竟躋於場屋不克展其志

歐承統字天以篤學有守不事奔競少游邑
庠試輒高等例以年資貢禮部而適賦玉
樓己子有駿善屬文父病叩天割股以孝
聞

孝友

歐子復字存仁邑廩生性至孝時流賊犯境
父爲所執子復詣賊壘哀號乞代賊感縱
之已而父歿遭兵亂負母逃避鬻衣爲食
竭力奉養終其身不少衰事聞奉勅旌表

謝國梓字汝材邑學生幼有至性事親色養
備至三黨內外不異其稱父歿哀哭喪明
事聞當道旌表

曾良橋字景南早喪父事母克盡孝養撫幼
弟五人既成立不忍分居邑侯梁公弘建
申聞巡按給冠帶旌獎額其匾曰孝友克
全

劉嘉屏字位台邑庠生天性孝友母病侍榻
前不解衣者三月母終不起躡踊過慟絕

會昌縣志

卷之十一

十四

而復甦者數四士論稱其誠孝上之直指
以旌其廬

曾尚志字成玉篤學勵行以孝友著稱生平
絕跡不履公庭有司雖慕其爲人而卒未
得一識其面惟率昆弟子姪輩課誦一堂
寒暑不輟故皆接踵成名爲邑之表表者
李之英字崇我邑庠生性至孝父病渴思河
魚時隆冬雪凍英脫衣入江適有一鯉羅
出因取以歸見者莫不驚異復值母病危

篤日夜扶持彌月不少懈忽夢天神以甘露水灑母身疾隨以瘳其精誠感格若此事聞當道旌表子三召升以廩例貢太學爲人慷慨尚義凡捐金募工培益縣南龍脈與夫造舟梁以省病涉尤人所稱羨益琇以耆德舉約正益竈增廣生文名藉甚孫克常卓準濟濟士林足紹箕裘云
歐可悌邑廩生博學多才明末時父被寇執將就戮可悌挺身求代賊感其誠俱縱焉

會昌縣志

卷之十一

十五

事顛子復孝行出歐氏一門矣

歐宗湯字日新家貧力學父早世事母以孝聞素行誠慤厚重足以表式一鄉

蕭鳴鸞字子曦少孤勤學餼二十人中而天性惇純事母無疾言違色撫兩弟婚娶皆齟齬以出尤人所難云

胡正遠字敬東少失怙事母極其孝養晨昏定省無缺比歿哀痛尤切每逢己誕悲泣絕飲食以不忘母難終其身不之間

陳嘉文少聰穎髻齡補弟子員篤於孝友父母早世依伯兄成立嘉文敬事之及兄歿哀悼迫切竭力經營喪事爲之服一以禮惜鼎革死於兵未竟其志

李得春負敗營生事親誠孝母病篤家貧不能召醫哭禱割股而秘不令人知母病隨瘥族里舉以聞邑候王公旌以孝道可風歐承玫字潔卽與兄承瑞俱以文學稱黜邑間性至孝父沒事母色養備至每寒夜兄

弟篝燈抵足欲以功名自奮而痛父不及見聲淚俱下承瑞爲仇陷繫獄幾蹈不測玫徧籲當道不可解乃徒步走京師時新例有禁凡未經定奪而竟叩閩者杖承玫曰俟獄成無能辨矣脫兄不免且以爲吾母憂雖生何益遂擊登聞鼓叩閩口訴兄所以寃狀疏上得以疑獄聽讞雪遇赦免刑部主事余閒熙先令會承玫其所獎拔士也及玫杖開熙左右護腋然瘡重

經一日夜始甦士論壯之

隱德

賴勝先號荷亭讀書尚義明景泰間輸粟一
千三百石助賑事聞於朝同邑人歐志雄
賜勅旌褒
賴全字用謙至性寬柔與物無忤人利其財
輒以禍中之雖見雪於當事終不爲校反
脫其人於獄嘗言怨讎分明非盛德事也
其雅量如此

會昌縣志

卷之十一

十七

喻珂郡丞喻尚中之父性尚敦朴尤好施與
貧不能葬者悉捐貲賻贈貸不能償者輒
焚券書至如拾金還主一事嘗爲人所稱
誦累舉鄉飲大賓

胡大徽州守胡彝簡之父推產讓弟捐粟賑
貧受良知於羅念菴先生隱居不仕虔撫
陸公陶菴最雅重之舉鄉飲大賓

謝天和通判謝國命之父少失瞻依煢然自
立痛親早逝永慕不忘尤嚴于課子國命

卒貴顯不墜家聲翁年七十餘冠帶大賓
蕭邦脩少孤砥行輕財尚義族有以女質於
豪室卽爲破產代贖或尼之輒曰金不于
此用何厚自封殖以長子孫之愚邑令梁
公弘建高其義額以古道猶存四字旌之
葉繼梅宅心制行恂恂古處人有所貸多不
索償捐貲以置義渡咸利其僂直指按部
廉其實特加優獎年八十屢舉大賓

謝天相字鳳所少業儒兼精內經素問諸書

會昌縣志

卷之十一

十八

隱居不樂仕因以岐黃著稱有求醫者必
爲審酌源委投劑徃無不驗遇貧家不索
酬以此見推士大夫名滿一邑年八十二
邑令胡公若宏給冠帶額其扁曰德壽無
雙子之定試文學冠軍亦胡公所賞拔者
葉調元字翊明生平醇謹好善樂施值歲歉
斗粟千錢飢者枕藉里陌間元計口自足
悉推所□者散之而不取直人甚德焉事
聞邑侯陳公朝亮給以優扁

謝應弟力學篤行義不苟取生平恬淡寡營
有碩人風度鄉評重之

謝應昌天性孝友時值寇亂負母匿山中出
遇投溺者將死拯而甦之道拾遺金俟其
人持以還其仗義踈財爲一邑所羨稱

葉允元字中缶邑庠生讀書知大義事親孝

養備至歲稔賑饑卹貧未嘗有德色

鄉黨之義

歐承祺字錦文性坦直與物無競心尤好義
樂施殆不以財自封者以齒德舉賓筵子

會昌縣志

卷之十一

十九

有亮國學生遵父命捐三百金重建步雲
橋橋墩凡九成其一惜無襄之遂輟其工
汪之龍字從雲汪文元字灝雲俱邑庠生之
龍慷慨有氣節時流賊馬遷寇湘鄉身先
拒戰手刃數十賊遂却走邑有司壯其義
題武庫橫經四字旌之文元素性沉靜介
介不同流俗足稱二難云

饒有德字奎宇志行高潔不趨貴顯處鄉黨
雖三尺無欺也年登耄耄足跡未嘗躡公

庭而眞率亦自可人

葛允廉風猷峻飭少業制舉因屢躋遂棄去
究心刁圭之術徂每焚香籲天惟願人無
疵癘故投藥多神効焉其存心以仁蓋如
此子應鼎膺歲薦操守介然綽有父風
李法素性耿直以耆德僉舉爲約正凡邑中
所興革皆其建白戊子金王之變法殉于
難跡其生平多善行捐貲賑貧施棺代瘞
尤爲里閭稱道不置者舉丈夫子三益侃

會昌縣志

卷之十一

二十

以明經入對 大廷兆大益偁補弟子員
俱文名藉藉而家聲丕振

忠節

蔡懋字子堅仙遊人襄之曾孫靖康中爲會
昌西尉視事數月遇賊犯境奮然領所部
及土兵禦之力戰不支遂遇害贈承事郎
官其子見閩志

金隆顯明弘治八年流賊入境隆顯禦之力

□而死事聞于朝嘉其忠義葉

其子潤爲
石山驛丞

□□明弘治八年沈賊入境與□隆顯同
戰死于陣並蔭其子

季瓊明崇禎元年流賊犯境瓊奮勇殺賊數十復鏖戰而死知縣蘇甘雨申聞旌表

劉震字青雷邑庠生素負激昂不屑章句之學順治戊子賊首黎都乘亂據城四處焚掠震率鄉勇擊賊戰于南山嶺賊分兩翼震持短槊刺傷賊衆甚多弧軍無援力竭被擒罵不絕口爲賊支解而死里人哀之

會昌縣志

卷之十一

二十一

建英烈祠以祀震暨同時死事者六十人
靳養蒙籍貫未詳國初委守羊角營金王之
及草寇猖獗圍攻危急養蒙死守孤坡力
盡援絕舉家遇害殆亦武士中之錚錚者

貞烈

許氏知縣王化妻化任平遠道經會昌時值
流寇克斥因留妻子遂隻身以往越數日
訛傳化爲寇所害計方刺繡聞訃慟哭以
剪刀刺喉而死已而化得報發後收殮秩

滿載櫬以歸其後子復貴顯上其事于朝
奉勅立祠春秋致祭以旌貞烈

蔡氏女名曰貞明弘治間爲賊所窘義不受
污厲聲罵賊賊支解之時年十六

歐氏女名妙蓮許字葉未嫁而葉死矢志守

節皎若冰霜坐卧一室足不踰閭者五十

年雖家人亦罕覩其面至今爲人所稱誦

姚氏邑庠生葛覃妻年十九稱未亾人乳居

紡績以撫弱孤志節皎然無玷萬曆戊戌

會昌縣志

卷之十一

二十二

奏聞旌表

歐氏邑庠生文明妻年二十七明卒歐□三

歲孤晝夜悲泣靡有他志卒年八十

文氏葉叢妻年十六夫亾子甫週歲姑憐其

少令之嫁文不從依依姑撫子子且死不改

初志事聞旌表

饒氏謝曦妻年二十五而孀誓守育孤堅貞

不磨歷八十餘齡以節壽稱當道旌表

胡氏劉潛妻年十九夫亾無子矢死不二家

入欲奪其志胡曰彼欲吾嫁者不過欲得
吾夫授分產業遂悉還之僅畱一老婢供
薪水日惟閉戶紡績雖至戚卑幼輩非成
禮不輕面焉邑令呂公欒嘉其事贈以詩
云嫁夫尋送北邙山雅操貞心見獨難鏡
里孤鸞常不舞雪中老栢本輕寒投崖割
鼻真餘事化石崩城竭寸丹斷送朱顏頭
已白傷今吊古淚潺湲代至者陳公仕復
揚其節申聞旌獎詔賜粟帛年八十餘卒

會昌縣志

卷之十一

二十三

周氏劉沂妻年二十而沂卒守節不嫁嘉靖
中爲山寇所獲不肯受辱捐軀赴水死事
聞旌表

劉氏王達妻幼嫻女訓不苟言笑及笄歸達
嘉靖辛酉賊掠承鄉擁其家劉倉卒被執
污之不從脅以利办奮罵益厲賊怒剗之
賊退家人収其屍勃勃如生焉時有司狀
其事白於當道已經奏請旌表未下雲孫
□謙補弟子員受知邑令陳公朝亮公□

之以詩有乾坤屹立□綱常萬億千秋節
烈芳之句

羅氏藍鳳暘妻年十八夫亡矢無二志有勢
家謀強娶者賄其姑許焉而羅不從也逼
之再四亡何潛奔訴于官爲之逮致勢家
復以重金陷其父羅度終墮其計遂赴水
死嗚呼烈矣明嘉靖九年直指浮山穆公
以巡方至聞其事壯而旌之郡守婁江□
公世芳爲撰墓表

會昌縣志

卷之十一

二十四

胡氏劉尚德妻年十八夫逝鞠遺腹子守節
至九十二而卒邑□□公夢齡書冰霜□
操四字表其閭

曾氏蕭湘魯妻性□□□二十九夫死撫
子嫠居三十餘年□□□閨門之內肅
若朝廷子又□□□□孫亦皆成立卒
年七十餘先後長□□有旌額

沈氏邑廩生蕭本宗妻佐夫成名本宗疾卒
哀悼迫切□守堅貞百折不回年七十二

奉院旌表

劉氏謝生學妻年二十二而寡抗志撫孤貞
操不渝歷七十有一卒事聞有司表其閭
曰節義流芳

謝氏吳文道妻年二十五文道卒挈二子孀
守金石不移事聞旌表

陳氏文思作妻夫亡遺兩孤俱幼亂矢志守
節育子成立孀居五十載人無間言邑侯
張公旌以扁曰貞節睂壽

會昌縣志

卷之十一

二十五

謝氏邑廩生賴孔相之妻文學士昌明經士
竒母也孔相少有文名志期遠大弱冠遊
學卒于外謝方及笄士昌幼士竒在娠三
月矢志堅守以禮自閑訓迪二子俱成令
器年七十餘族里咸高其節
葛氏沈道可妻年二十一夫卒家貧子方四
歲家人欲其再醮葛抱孤泣曰背夫爲不
義棄子爲不慈吾則安忍乃截髮以明志
終日悲號雙目失明孀居六十餘年以壽

終子清邑庠孫開春膺歲薦峽江司訓人皆謂其苦節之報云

文氏許萬綱妻年二十三稱未亡人煢煢自守集蓼茹荼數十年如一日壽八十卒子用卿力學補弟子員生學濬□齡入泮人咸謂其有截髮之贄

謝氏劉慶立妻年二十七而寡遺腹三月舉一子撫鞠備至亦克成立人咸稱爲贄母年六十有二卒

會昌縣志

卷之十一

二十六

李氏汪國竒妻年二十四夫亡家貧無子矢志守節富兒謀欲娶之堅不可奪姑諭之曰守節固美事寧忍二毛作溝中府耶李不獲已勉應姑命夜遶亡夫靈牀拜且哭曰吾不久相見于泉壤及至富兒家卽鑄戶自縊爲婢子所覺破壁救甦嚴爲防備凡三晝夜衣不解帶勺漿不入口富見□往勸慰李給之曰爾旣娶我終爲爾嬪胡相逼也但結髮之情難遮割耳富□信□

爲然家人□脩亦□尋以組繫頸而死聞者無不讚嘆

李氏劉慶來妻年十九歸劉祖姑謝氏沉疴三載李侍湯藥不少懈族閭稱其孝敬未幾夫亾遺二子俱幼穉家貧甚有謂其苦節難以自存李曰夫亾棄子曷好衣食非義也言者羞去紡績自贍課子有成年六十有二卒

文氏李益衢妻年二十五夫亾姑令其再醮
會昌縣志 卷之十一 二十七

文以首觸地流血沾衣誓不背夫年七十二卒事聞三院旌表

賴氏鄧祥生妻序班賴孔昭之女戊子兵亂被執度欲污己瞪目謂曰吾衣冠子女義不爲若所辱言畢遂觸石死兵感其烈以棺函其尸而去

歐氏生員李瑋之母別駕歐公子哲女也少從父宦素嫻閨儀聞兵薄城下遂絕粒不食顧謂其子曰城潰舉家爲俘矣及被執

詈不絕口項受數十刃洞脅而死中幘中
有此節烈亦所罕覯

歐氏劉慶庠妻年二十六夫亾子幼矢志靡
他時值兵亂挈其子逃匿山寨舟至橫石
江爲兵追及義不受污遂稱水死

歐氏郭同衍妻爲兵所執強欲污之歐不從
投江而死以完其節

胡氏生員王信妻攜幼子爲兵所執強之登
舟胡恐其污母子同溺水死

會昌縣志

卷之十一

二十八

喻氏劉慶助妻年十九夫亾矢志守節值大
兵至喻潛匿不及恐致失身溺水而死

歐氏蕭冠芳妻兵亂被執不受污玷墜樓下
碎首而死

彭氏邑庠生李克榮妻榮死於兵彭亦被執
度不得脫乃奪劍自刎兵怒裂其屍先是
彭與夫訣曰事勢危迫君爲自全計吾分
死矣決不失身以受辱也至是果烈烈而
死

胡氏生員金玉振妻振卒胡方妙年誓守堅
操撫兩孤底於成立艱真備至事聞旌表
王氏文佳妻矢志守節邑侯張公獎以節凜
冰霜
田氏王秀廷妻年二十四夫亡孀守撫孤底
于有成卒年七十有九諸孫森環立克紹
箕裘不負堅貞苦節云

丘氏王國翰妻丘爲雩邑大家女秉性貞靜
年二十六夫亡子方在抱郎毀裝屏飾矢
志堅守事其姑以孝稱熊丸課子以續書

會昌縣志

卷之十一

二十九

香而冰霜潔操垂白無間焉有司廉其實
表其閭曰松筠滴翠

王氏李禎妻禎死於兵二子俱被俘王負病
在床聞夫歿哀慟悲泣不欲生存尋縊至
再皆爲家人解救因慰之曰以死報夫固
義孰若畱全二子後嗣尚有賴焉王感其
言盡傾家貲贖二子歸紡績自贍子且成
立矢節存孤兩無愧焉近奉 憲檄查錄
節孝州里上其事請詳旌表

李氏劉懋隆妻年三十四而嫠矢志撫孤延師日督其子光彝就學常令誦小學于側至痛切處悚然戒之曰古人所遇亦有與爾同只在刻勵倣倣耳雖風雨寒夜機聲謾謾自戶牖間出至老不倦一時知名之士與光彝遊者皆有祝揚之詞動盈卷軸云

劉氏蕭大賓荷溪內君也荷溪碩德高風見重于鄉年八十二累薦賓席而內君佐理會昌縣志卷之十一三十家政綽有贊聲壽登百口尤人生所稀明萬曆間族里舉以聞奉勅建坊旌表額曰百歲流芳

謝氏別駕謝公國命女國學生文宗孔之妻也閨範謹飭家教尤端戊子之變兵薄城下謝有孫在茲被繫入營幸爲其弁所素識釋其縛在茲泣告曰茲蒙厚恩獲全柰祖母年踰八旬恐性命不保何弁感其誠許之縋城以出口者密以告謝笑曰吾孫

得無恙恩施渥矣吾一老婦人何足惜奚
輕出爲未幾城潰罹於難雖其死足哀而
其明達爲鬚眉未易及